

## Lagersong 2014 (W.Nuss vo Bümbliz)

Mer send Toureschte usme färne Land  
Üs esch d'Schwitz völlig unbekannt  
Können nome us Klischees...

Schoggi, Uhre, Chäas ond Gäud,  
nor om das dräit sech d'Schwiizer Wäut.  
Aber esch das werkli woher?

Drom zeiged üs s'Heidi ond de Peter die  
ganzi Schwiiz us ehrer Secht

**D'Schwiiz das esch Heimat  
D'Lüt send zwor ruhiger aus sösch,  
send mängisch lieber elei  
Härzlech sends trotzdem, d'Schwenger  
send höbsch ond d'Jubla cool  
Ond Bärge send wonderschön**

Z'Lozärn esch im Wenter öpis los,  
schräagi Göiggle of de Stross  
de Räscht esch of de Schii

uri, Schwyz ond Onderwaude  
ofem Rütli, so heds agfange  
Aber esch das werkli Woher?

Drom zeiged üs s'Heidi ond de Peter die  
ganzi Schwiiz us ehrer Secht

**Refrain**